



KAZ MINERALS PLC
6TH FLOOR
CARDINAL PLACE
100 VICTORIA STREET
LONDON SW1E 5JL
Tel: +44 (0) 20 7901 7800

2020 жылғы 28 қаңтар

ЭКСПОРТ АЛДЫНДАҒЫ НЕСИЕ ЖЕЛІСІН ҚАЙТА ҚАРЖЫЛАНДЫРУ ЖӘНЕ ЛИМИТТИ \$1 МЛРД ДЕЙІН ҰЛҒАЙТУ

KAZ Minerals Тобы қазіргі экспорттық несие желісін қарыз алу лимитінің \$1 млрд дейін ұлғайтуын, несие желісі бойынша мерзімнің ұзаруын, пайыздық маржаның төмендеуін қамтитын қайта қаржыландыру туралы хабарлайды.

Несие желісін \$1 млрд дейін ұлғайту нарық тарапынан күшті қолдау бар екенін көрсетеді, жаңа желі синдикаттау барысында айтарлықтай өзгерді. Жаңа несие желісі қолданыстағы желі аясындағы \$300 млн қарызды тағы \$700 млн-ға нетто ұлғайтуды көздейді. Топ оны 2020 жылғы ақпан айының соңына қарай толық игеруді жоспарлап отыр.

Жаңа несие желісінің бұған дейінгі желімен салыстырғанда бірқатар артықшылықтары бар:

- i. Өтеу кестесін үш жарым жылға, яғни 2021 жылғы маусымнан 2024 жылғы желтоқсанға дейін ұзарту;
- ii. Қол қоюдан кейін бір және екі жыл өткен соң орындалуы мүмкін жыл сайынғы ұзарту жөніндегі екі опцион; олар орындалған жағдайда желіні өтеудің соңғы мерзімі тиісінше 2025 жылдың желтоқсанына немесе 2026 жылдың желтоқсанына дейін ұзартылатын болады ("Ұзарту жөніндегі опциондар");
- iii. 2021 жылғы қаңтарда басталып, 2024 жылғы желтоқсанға дейін төрт жыл бойы (немесе ұзарту жөніндегі опциондар орындалатын болса, 2026 жылғы желтоқсанға дейін алты жыл бойы) жалғасатын негізгі борыштың ай сайынғы төлемдері бар өтеудің қайта қаралған кестесі;
- iv. 2024 жылдың желтоқсанында өтеу мерзімі басталған жағдайда кредиттің қалдық сомасының үштен бір бөлігін (\$333 млн) біржолғы төлемі; немесе ұзарту жөніндегі опциондар орындалатын болса, 2025 және 2026 жылдар ішінде тең бөліктермен өтеу;
- v. Бастапқыда LIBOR ставкасының үстінен 2,50% белгіленген төмен пайыздық маржа (қолданыстағы кредиттік желі аясында – 3,00%). Маржа кредиттік желінің қолданылу мерзімі ішінде тексерілетін таза борыш пен EBITDA арақатынасына байланысты АҚШ долларындағы LIBOR ставкасының үстінен 2,25% - дан 3,50% - ға дейінгі диапазонда құбылады;
- vi. Қаржылық ковенанттар бойынша беріктік қорын ұлғайту.

Банк синдикаты 12-ден 19 несие берушіге дейін өсті. Қаржыландыруды уәкілетті жетекші ұйымдастырушылар (MLA) – Deutsche Bank AG, ING Bank NV, Société Générale, ABN AMRO Bank NV, Bank of China Limited, Crédit Agricole Corporate and Investment Bank, Credit Suisse AG, ICBC London, Natixis және «Совкомбанк» ЖАҚ. Несие желісіне қатысушы басқа несие берушілер – Bank of Montreal, DZ Bank AG, Intesa SanPaolo S.P.A., Mizuho Bank, Sumitomo Mitsui Banking Corporation, HSBC Bank PLC, KfW Ipeх-Bank GMBH, Raiffeisen Bank International AG және Citibank N.A.

Deutsche Bank AG агент-банк, ал ING Bank сенімді басқарушы релінде жұмыс істеуде.

KAZ Minerals Тобының қаржылық директоры Джон ХЭДФИЛД былай деп мәлімдеді: «Осы келісімге қол қою Топтың қаржылық икемділігін қамтамасыз етеді және біздің несие берушілеріміз тарапынан тұрақты қолдауды көрсетеді. Біз банктер тобының кеңейгеніне және несие желісі бойынша шарттардың жақсарғанына қуаныштымыз».

KAZ Minerals PLC

Анна Маллер	Қаржылық талдаушы, Инвесторлармен байланыс департаменті, Лондон	Tel: +44 20 7901 7814
Мақсұт Жапабаев	Корпоративтік байланыстар департаментінің басшысы, Алматы	Tel: +7 727 244 03 53
Алмас Садықов	Корпоративтік байланыстар департаментінің менеджері, Алматы	Tel: +7 727 244 03 53

РЕДАКТОРЛАРҒА АРНАЛҒАН АҚПАРАТ

KAZ Minerals – Қазақстанда, Қырғызстанда және Ресейде заманауи, ірі ауқымды, азшығынды карьерлік типтегі тау-кен өндірісін дамытуға бағытталған, өсу әлеуеті зор мыс өндіруші компания. Компания операциялық іс-қызметін Павлодар облысындағы Бозшакөл және ШҚО орналасқан Ақтоғай ашық кеніштерде, сонымен қатар Шығыс Қазақстанда орналасқан үш кеніш пен үш кен байыту фабрикасында және Қырғызстандағы Бозымшақ мыс-алтын кенішінде жүргізеді. 2018 жылы мыстың жалпы өндіріс көлемі 295 мың тоннаны құрады, ілеспе өнім ретінде 50 мың тонна концентраттағы мырыш, 183 мың унция алтын мен 3,511 млн. унция күміс өндірілді. 2019 жылдың қаңтар айында Топ Ресей Федерациясы (РФ) Чукот автономиялы округіндегі Баимская мыс жобасын сатып алды. Баимская – ашық типтегі кеніш негізінде мыс өндіретін төмен шығынды әрі ауқымды тау-кен кешенін құру әлеуеті бар әлемдегі игерілмеген ірі мыс алаңдарының бірі.

Топтың жаңа өндірістік кәсіпорындары – Бозшакөл мен Ақтоғай – саладағы ең қарқынды даму көрсеткіштерін қамтамасыз етіп, KAZ Minerals-ты қорының басым бөлігі әлемдік деңгейдегі ашық түрдегі кеніштерден тұратын компанияға айналдырды.

Операциялық шығындары бойынша Бозшакөл халықаралық мыс өндіруші кәсіпорындар арасында бірінші кварталға кіреді. Оның кен өңдеу қуаты жылына 30 млн тонна кенді құрайды. Кенішті пайдаланудың қалған мерзімі – 40 жылға жуық. Кендегі мыс құрамы 0,37%. Карьер мен кен байыту фабрикалары өндірісті 2016 жылы бастады. Өндіріс көлемі – алғашқы 10 жылда жыл сайын 100 мың тонна катод эквивалентіндегі мысты және 120 мың унция концентраттағы алтынды құрайды.

Ақтоғай – карьер типтес ірі ауқымды кеніш. Ол Бозшакөлге ұқсас. Кенішті пайдаланудың қалған мерзімі (өндірісті кеңейтуді қоса есептегенде) - 25 жылға жуық. Кендегі мыс мөлшері 0,36% (оксидті кен) және 0,33% (сульфидті кен). Ақтоғайда оксидті кеннен катодты мысты өндіру 2015 жылдың желтоқсан айында, ал сульфидті кеннен мыс концентратын өндіру 2017 жылдың ақпан айында басталды. Сульфидті кенді қайта өңдейтін бірінші кен байыту фабрикасының жылдық қуаты - 25 млн тонна. Сульфидті кенді өңдеу көлемі екінші кен байыту фабрикасы 2021 жылдың соңына дейін өндірісті бастағанда 50 млн тоннаға дейін жетеді. Ақтоғай кен орынының операциялық шығындары халықаралық мыс өндіруші кәсіпорындарының арасында бәсекеге қабілетті болып табылады. Жылдық өндіріс көлемі – 2021 жылға дейін орта есеппен сульфидті кеннен өндірілетін 100 мың тонна мысты құрайды. Екінші кен байыту фабрикасы өндірісті бастағаннан кейін 2022-2027 жылдар аралығында сульфидті кеннен жыл сайын шамамен 170 мың тонна мыс өндірілетін болады. Оксидті кеннен 2024 жылға дейін жыл сайын шамамен 20 мың тонна мыс өндіріледі.

Баимская лицензиялы алаңының аумағында орналасқан Песчанка кен орынының ресурстары JORC кодексіне сәйкес бағаланып, 9,5 млн тонна мыс, кендегі мыстың мөлшері 0,43% және кендегі алтынның мөлшері 0,23 г/т болатын 16,5 млн унция алтынды құрайды. Іске қосылғаннан кейін жоба алғашқы он жылдағы күтіліп отырған жылдық орташа көрсеткіштер - шамамен 250 мың тонна мыс және 400 мың унция алтын немесе мыс эквивалентімен есептесек, 330 мың тонна болмақ. Кеніштің пайдалану мерзімі 25 жылды құрайды және таза ақшалай өзіндік құны жаһандық шығындар қисығының бірінші кварталінде орналасқан. Жоба РФ-ның үкіметі экономикалық даму үшін стратегиялық маңызды деп анықтаған өңірде орналасқан. Мемлекет көліктік және энергетикалық инфрақұрылымды дамытып, салықтық жеңілдіктер беретіндіктен жоба артықшылыққа ие болады. Кенішті игерудің күрделі шығындары \$5,5 млрд деп бағаланды. Қазір жоба техника-экономикалық негіздеме жасау кезеңінде. Топ талдаушылардың консенсус-бағасы мен тартымды ішкі табыс нормасы (IRR) аясындағы таза келтірінді құнның (NPV) айтарлықтай өсімін күтіп отыр. Баимская мыс жобасын іске асыру Топқа жоғары өсімін жалғастыруға мүмкіндік беріп, Топтың портфеліне ірі ауқымды, ұзақ мерзімді активті қосады.

KAZ Minerals PLC компаниясының акциялары Лондон және Қазақстан қор биржаларында айналымда. KAZ Minerals-та шамамен 15 000 адам жұмыс істейді, олардың басым бөлігі Қазақстан азаматтары.

Бұл баспасөз-хабарламасында ішкі ақпарат бар.